

From: UUM CORPORATE COMM.
Sent: Selasa, 28 Julai 2020 9:50 pg
To: UUM - All Staff; UUM - All Students
Subject: 26 LEMBU KORBAN BUAT PENDUDUK BATTAMBANG KEMBOJA



UUM Corporate Comm.
Universiti Utara Malaysia

28 JULAI 2020 / 7 ZULHIJAH 1441H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Mohd Yusnaidi Md Sabri

26 LEMBU KORBAN BUAT PENDUDUK BATTAMBANG KEMBOJA



UUM ONLINE: Buat pertama kalinya penduduk Battambang di Kemboja menguruskan sendiri ibadah korban tanpa kehadiran Pusat Islam UUM ekoran pandemik COVID-19.

Usaha murni yang dirintis oleh Pusat Islam sejak tujuh tahun lalu telah berjaya mendidik penduduk Kemboja untuk menguruskan sendiri korban serta membangunkan modal insan yang berpegang teguh pada agama Islam.

Pegawai Hal Ehwal Islam, Mohd Yusnaldi Md Sabri berkata, ramai rakyat Kemboja hidup miskin dengan tempat tinggal yang daif dan berhempas pulas mengerah tenaga untuk mendapatkan sesuap nasi.

Menurutnya, seramai 182 peserta mengambil bahagian dalam Program Qurban/Aqiqah Di Battambang Kemboja yang berjaya mengumpul 26 ekor lembu untuk diagihkan kepada fakir miskin di Battambang yang hanya berpeluang menjamah daging setahun sekali.

Katanya, sambutan sangat menggalakkan daripada warga kampus terutama dari peserta yang pernah terlibat sebelum ini, selain mendapat sokongan daripada Sahabat Masjid UPM, Rakan-rakan Projek Syahadah, Pertubuhan Sukarelawan, Kebajikan dan Pendidikan (PESAN) termasuk peserta dari Brunei.

“Pusat Islam melalui Kelab Ukhuwwah juga terus komited membantu menggerak dan menghidupkan syiar Islam melalui ibadah korban di Battambang, Kemboja walaupun dalam tempoh Perintah Kawalan Pergerakan Pemulihan (PKPP).

“Pada tahun ini, tiada staf UUM yang akan ke Battambang, Kemboja memandangkan COVID-19, tetapi kita telah bersiap siaga dan sudah ada wakil yang terlatih di sana,” katanya.

Mohd Yusnadi berkata, korban di sana akan diuruskan Ustaz Mosa yang telah dibimbing sejak 2013 dan penduduk dilantik sebagai urusetia yang akan membantu urusan korban tersebut.

Menurutnya, ini merupakan pengalaman pertama mereka menguruskan sendiri tanpa bantuan UUM dan sukarelawan luar.

“Alhamdulillah, setiap tahun perkembangan sangat menarik berlaku di kampung tersebut di mana kita menjadi fasilitator yang telah menurunkan ilmu untuk membangunkan kepimpinan dan komuniti supaya terus mengorak langkah.

“Saya ucapkan setinggi-tinggi penghargaan kepada warga kampus dan semua yang bermurah hati menyumbang dalam Program Qurban/Aqiqah Di Battambang Kemboja,” katanya.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.